

馆藏精品

永乐大典

主编 郑福田

远方出版社

永乐大典

主编 郑福田

第七卷

远方出版社

图书在版编目 (CIP) 数据

永乐大典/郑福田主编 - 呼和浩特: 远方出版社. 2005. 11

ISBN 7 - 80723 - 108 - 4

I. 永… II. 郑… III. 百科全书 - 中国 - 明代 - 缩写本
IV. Z224

中国版本图书馆 CIP 数据核字 (2005) 第 138929 号

永乐大典

主 编: 郑福田

出版发行: 远方出版社

社 址: 呼和浩特市乌兰察布东路 666 号

邮 编: 010010

经 销: 新华书店

印 刷: 北京一鑫印务有限责任公司

开 本: 850 × 1168 1/32

字 数: 490 千字

印 张: 275


版 次: 2006 年 1 月第 1 版

印 次: 2006 年 1 月第 1 次印刷

印 数: 2000 套

标准书号: ISBN 7 - 80723 - 108 - 4/K · 1

定 价: 960. 00 元 (全 48 册)



目 录

永乐大典

永乐大典卷之二千三百四十五 〔1954 年 6 月苏联送还〕	六模 (1)
永乐大典卷之二千三百四十六 〔1954 年 6 月苏联送还〕	六模 (59)
永乐大典卷之二千三百九十八 〔原藏富冈铁斋〕	六模 (97)
永乐大典卷之二千三百九十九 〔原藏富冈铁斋〕	六模 (130)

永乐大典卷之 二千三百四十五 六模

1954年6月苏联送还

乌

【洪武正韵】：汪胡切。黑也。何也。亦作恶。《小尔雅》：阳鸟，鸿雁也。又纯黑反哺谓之鸟；小而颈白不反哺者谓之雅。又乌乌秦声。噫乌，悲怒声。

总叙

【陆佃埤雅】《说文》曰：“乌，孝鸟。象形。”林罕以为全象鸟形，但不注其目睛。万类目精皆黑，乌体全黑，远而不分别其睛也。乌一名鸦，其名自呼。《淮南子》曰：乌之哑哑，鹄之喈喈，岂为寒暑燥湿变其声哉！《诗》曰：“莫赤匪狐，莫黑匪乌。”盖狐群者也。乌合者也。故《诗》以况卫之君臣，并为威虐，其恶如一。又曰：“哀我人斯，于何从禄？瞻乌爰止，于谁之屋？”言富人之屋，利之所在，故乌集焉。民之从禄，将如此矣，大夫欲王瞻之也。又曰：

“匪手携之。言示之事。”此之谓也。又曰：“具曰予圣，谁知乌之雌雄！”言幽王君臣俱自谓圣，如乌之黑，雌雄无以相别也。《管子》曰：乌集之交，初虽相欢，后必相咄。诗人每引以刺者，非特讥其为恶如一，亦以刺其初皆利合不以道也。乌又为叹词者。佳见虎则鸣，乌见异则噪，故以为乌辄，叹所异也。今人闻鹊噪则喜，闻乌噪则唾，以乌见异则噪，故辄唾其凶也。《尚书大传》曰：爱人者，兼其屋上之乌。然则恶而知其善，爱而知其恶者寡矣。《孙武子》曰：乌起者，伏也；乌集者，虚也。言古之善料兵者，观乌起而知伏，视乌集而知遁。乌乐，空曠；鹊乐，稠闹。世云：鸳鸯交颈而感，乌传涎而孕。《庄子》曰：乌鹊孺，盖谓是欤？故语曰，鹊传枝，鸦茹沫。又旧说，乌性极寿，三鹿死后能倒一松，三松死后能倒一乌。《杂俎》曰，俗候乌飞翅重，知天将雨。乌，阳物也，感阴气而翅重，故俗以此占其雨否。《淮南子》曰：媵蛇游雾，而殆于蜚蛆；乌力胜日，而服于鹑礼。乌，阳物也。

【格物总论】：乌鸦别名，种类亦繁。彼有小而多群，腹下白者名鸦。乌有小嘴而白，比他乌微小。长而反哺其母者，名慈乌。今有一种大喙，及白颈。而不能反哺者，非慈乌。南人谓之鬼雀，鸣则凶咎是也。然北人闻其鸣则喜，南人反是。亦善避矰弋弹射。

【说文】：又一种名寒鸦，状差小。初冬来自西北云。

【春秋运斗枢】：摇光星散为乌。又曰：飞翔羽翮为阳。阳气仁，故乌反哺。

【尔雅】：一名鷩斯，一名鸭鵝，一名桑飞，一名女鵝，一名巧妇，一名黑乌鵝鵝。

【通俗文】：白头乌，谓之鵝鵝。

【崔豹古今注】：乌，一名鵝乌。

【酉阳杂俎】：隐诀言，太清外术，乌四距，食之杀人。又曰：邑中终岁无乌有寇。郡中忽无乌者曰乌亡。

【樵子法训】：夫孝行之本，替本而求末，未有得之者也。如或得之，君子不贵矣。乌者独有返哺，况人而无孝心者乎！

【韩子】：夫驯乌者，断其下翎，则必传人而食，焉得不驯乎？

【抱朴子】：石先生丹法，取乌之未生羽者，以真丹和牛肉以吞之。至长，其毛羽皆赤。乃杀阴乾百日，并捣服百日，得寿五百岁。

【萍洲可谈】：东南谓乌啼为凶，鵝噪为吉，故或呼为喜鵝。顷在山东见人闻鵝噪，则唾之，乌啼却以为喜，不知风俗所见如何。

白乌

【孝经援神契】：德至鸟兽，则白乌下。

【典略】：白乌，太阳之精也。徐整《三百历》曰：序天地之初，有三白乌，主生众鸟。

【孙氏瑞应图】：宗庙礼敬备于孝慈，则白乌至。

【西汉书】《眭弘传》：孝昭元凤三年正月，泰山莱芜山南，匈匈有数千人声。民视之，有大石自立，高丈五尺，大四十八围，入地深入尺，三石为足。石立后，有白乌数千下集其旁。【汉书】：宣帝五凤三年，冠石之祥，有白乌数千集于旁。

【崔豹古今注】：成帝河平四年，白乌集孝文庙殿下，黑乌从之。

【玉海】：汉元和中，蜀郡王追为益州太守，政化尤异。神马四匹出滇池河中，甘露降，白乌见。始兴起学校，渐变其俗。

【豫章志】：汉孝章帝元和元年，太守李议临郡二年，白乌见南昌。

【太平御览】：和帝元兴元年，白乌一见庐江。

【宋书】《五行志》：王者宗庙肃敬，则白乌至。汉桓帝永寿元年四月，白乌见齐国。晋武帝咸宁五年七月戊辰，白乌见齐南隰，太守获以献。晋武帝太康元年五月庚午，白乌见襄。太康十年五月丁丑，白乌见京兆长安。晋惠帝元康元年四月白乌见河南，成皋县令刘机获以闻。元康元年五月戊戌，白乌见梁国睢阳。元康元年七月辛丑，白乌见陈留，获以献。元康四年十月，白乌见鄱阳。晋明帝太宁元年，吴郡献白乌。泰宁二年十一月，白乌见京都。泰宁三年三月，白乌见吴郡海虞，获以献，群官毕贺。晋孝武帝太元十一年八月乙酉白乌集江州寺庭，群乌翔卫。太元二十一年五月癸卯，白乌见吴国，获以献。宋武帝永初二年六月丁酉，白乌

见吴郡娄县，太守孟覬以献。文帝元嘉二年十一月丙辰，白乌见山阳，太守阮宝以闻。元嘉三年三月甲戌，丹阳姑孰薛爽之获白乌以献。元嘉十一年六月乙巳，吴郡海盐王说获白乌，扬州刺史彭城王义康以献。元嘉十三年三月戊辰，义兴阳羨令获白乌，太守刘楨以献。元嘉十三年，戚羨县民谈含送白乌，皓质洁映，有若辉璧，爰稽瑞图，寔惟嘉祥。元嘉十九年五月，海陵王文秀获白乌，南兖州刺史临州王义庆以献。元嘉十九年十月，白乌产晋陵暨阳侨民彭城刘原秀宅树，原秀以闻。元嘉二十年七月，彭城刘原秀又获白乌以献。元嘉二十四年八月乙巳，白乌见晋陵，南徐州刺史广陵王诞以献。孝武帝大明元年四月甲申，白乌见南郡江陵。明帝太始二年六月丁巳，白乌见吴郡海盐，太守顾覬之以献。九月壬寅，白乌见吴兴乌程，太守郗顗以献。

【晋书·载纪】：蜀李雄书曰：武皇帝泰成三年，白乌赤足来翔。帝以问范贤，贤曰，乌有反哺之义，必有远人怀惠而来。果关中流民请降。

【晋书】《虞溥传》：虞溥为政，严而不猛，风化大行，有白乌集于郡庭。

【齐书】：高帝时，有献白乌，帝问此何瑞，范云位卑最后。答曰：“臣闻王者敬宗庙，则白乌至。”时谒庙始毕，帝曰：“卿言是也。”感应之理，一至此乎。薛综《白乌颂》曰：“粲焉白乌，皓体如素。宗庙致敬，乃屑来顾。”建元元年五月，白乌见巴郡。永明八年四月，阳羨县获白乌一头。隆昌元年四月，阳羨县又获白乌一头。

【魏书】《灵征志》：高祖太和二年七月，白鸟见于凉州。九月，白鸟见于京师。三年五月，白鸟见于豫州。九月，白鸟见于秦州。十七年六月，兖州献白鸟。二十三年十二月，司州献白鸟。世宗正始二年五月，司州献白鸟。三年九月，颍州郡献白鸟。四年七月，颍川又献白鸟。永和元年四月，颍川献白鸟。延昌二年八月，平阳郡献白鸟。三年六月，冀州献白鸟。肃宗正光元年十月，幽州献白鸟。孝静天平二年七月，齐献武王获白鸟以献。元象元年五月，冀州获白鸟。兴和四年四月，魏郡贵卿县获白鸟雏。五月，京师获白鸟。是月，阳夏郡献白鸟。七月，北豫州献白鸟。十月，瀛州献白鸟。珽定元年六月，东郡民献白鸟。三年五月，北豫州献白鸟。是月，广宗郡献白鸟，颍州又献白鸟。六月，沧州献白鸟。四年四月，梁州献白鸟。五月，济州献白鸟。八月，阳夏郡献白鸟。

【北史】：后周豆卢勣为渭州刺史，有惠政。鸟鼠山绝壁千仞，由来无水，羌人若之。勣马足所践，忽飞泉涌出；有白鸟翔止厅前，乳子而复去。人为谣曰：我有丹阳，山出玉浆。济我人夷，神鸟来翔。百姓因号其泉曰玉浆云。

【隋书】《令狐熙传》：熙为沧州刺史，在职数年，风教大洽，称为良二千石。开皇四年，获白鸟。

【预章志】：唐高宗显庆四年，白鸟见建昌，颜思道家罗获送省。

【旧唐书】《德宗纪》：贞元七年夏四月庚子，汴州献白鸟。五月甲申，许州献白鸟。贞元十一年六月，河阳献白

乌。贞元十八年六月，乌集徐州之滕县，赚柴为城，中有白乌。

【温州路志】：唐昭宗天复二年，安固县获白乌，薛令正明表献之京，因改为瑞安。

【马明叟实宾录】：唐林攒亲亡，自挺臂作冢，庐其右。有白乌来，甘露降，观察使李若初以其事闻，诏旌异之。

唐裴获敬彝曾祖子通居母丧，哭丧明。有白乌巢冢樾，兄弟八人皆为明孝，时人谓孝感所致。

【五代史】《后晋少帝纪》：天福八年三月甲午，有白乌栖于作坊桐树，作坊使周务勍捕而进之。汉乾祐三年五月，太原进白乌。

【玉海】：宋雍熙二年五月壬申，霸州献白乌。四年六月癸卯，邢州进白乌。

【抚州志】：景德三年，本州以白乌进献，有诏罢免岁贡。

【续资治通鉴长编】：英宗治平三年，太子右赞善大夫陈世修献白乌，赐帛五十疋，以乌还之。

【宋史】《五行志》：元丰三年，九月丙午，赵州获白乌。建炎十七年二月，有白乌六集于高媒坛上，府尹沈该以瑞奏。

【江少虞类苑】：资州资阳县支渐，熙宁中丧母，既葬庐墓，日三时号慕，躬行膝步，负土成坟。有双鹤徘徊松上。久之，又有群乌翔集，中一白乌独日至焉。人以为孝感所致。《孝义传》：初暉母卒，既葬，就坟侧构小室，号泣守

护，蔬食经六冬。有白乌白兔驯扰坟侧，州人异之。扬祥事亲孝，亲亡庐墓终身。有白乌之瑞。朱寿昌既寻得母，迎归京兆以养母，故求通判河中府。数岁母卒，寿昌居丧几丧明。既葬，有白乌集墓上。李访父母卒，庐于墓侧，常有白乌数百集墓上。

【金史】《太宗纪》：天辅四年，八月甲寅，新城县进白乌。

【唐令狐楚表】《为百官贺白乌》：臣某等言：臣昨二十三日，中书宣武军节度使刘彦佐进白乌。并以乌及所献图示百官。臣某伏以殊祥绝瑞，有应斯归，綢繆感通，难识其朕。惟圣德动于皇天，天意勤于圣后，则必昭彰彤蜺，灵物荐臻，流行苇之仁，树太平之业，毛羽遂性，禽鸟呈祥。臣等中贺。臣谨按：孙氏图云：王者宗庙敬，则白乌至。又，汉成帝时，白乌集于文武庙，黑乌皆从，颇类此图。去年冬十一月，履端之始，陛下拥万国，驱百灵，祀圆丘，封天姥。前一日已孝享于宗庙，尽敬致美，竭力精诚。悲感之音，动于列辟；孝敬之极，通于神明。白乌之来，允答醇至。书之史册，万代有词。观其素彩皓洁，丹觚朱耀，冰雾凝作霜夺色，龟龙让辉，参五云《周礼》：虽有五云。又疑别用事之嘉祥，掩百王之能事。臣等叨逢昌运，累沐殊私，亲睹太阳之精，克叶大君之祉。欢跃抃舞，手足无从，不胜犬马欣庆之至。

【张说集】《进白乌赋》：并批答咨大钧之播气，在品物而流形。有莫黑之凡族，忽变白而效灵。感上仁于孝道，合中

瑞于祥经。若夫事出神妙，理包舒卷，颺集王屋，飞随帝辇。捧日高翥，迎风细转，识句句于招呼，每哑哑于啄吮。以其雪羽霜毛，冰精玉状，拔奇绿林之下，赏异紫台之上。瞰鵷鹄之妙窗，抱凤凰之衣桁。恐同类之见嫉，畏不才之速谤。愿悉命于渥恩，岂顾私于闲放。维圣君之灵囿，物何远而不臻。有能言而可重，或善舞而取珍。羞陋躯而入献，与宝羽而为鄰。探朝噪之声乐，眷夜啼之曲新。无芒距以耀武，不钩觜以怀仁，谢先容而特达，却假饰以全真，鉴深心于反哺，移报德于君亲。《墨诏批答》：得所进白乌，符彩明媚，助日扬辉，白羽翩翩，凌霜比色。况乎反哺斯重，能仁是高，对之有观，情不能已。又览所进，放言体物，词藻浏亮，寻绎研味，披玩无厭。所谓文苑菁华，词场警策也。今赏卿金五挺，银十挺。

【文苑英华】《裴度作白乌呈瑞赋》：翩彼灵乌，赅然效质。披图谍而罔贰，叶邦家而得一。备体有光，至真无匹。宗庙荐敬，帝王之孝克孚；天地感仁，洁朗之容可述。耿受彩以相混，故莫黑而独出。上琼杈树而若无，下瑶阶而乍失。怀恩反哺，方去去以凌云；养素来仪，且翻翻而就日。观夫载飞载止，厥状粲然。不染而成，因心之孝以立；匪召而至，感物之道遐宣。向皇风而自舞，与丽景而相鲜。人具尔瞻，既含章而效祉；我无尔诈，乃见素以守全。乃知王泽竭而退飞。帝道通而无遏。彼明心兮不妄至，知大节兮不可夺。象洁白而攸归，知爱敬之傍远。懿夫不汙其色，罔违斯道，秀质安倚，凝光净好。美仁慈之及物，故易色于昭昭；

恶赤黑之眩人，乃成形于皓皓。且夫应图咸若，鄙皋泽之鸣鹤；瑞圣不还，陋江湖之白鹄。谅饮啄于仁义，岂逃潜于阻艰。所以其出无常，其来有素，云凝标于羽族，玉润合于王度。常从碧海，随杲日而悠扬；今在华林，偶盛时而瞻顾。实由我后敬之昭假，皇矣光宅，垂拱而烛幽以明，禽鸟乃化玄为白，逗祥光而聿至，望休气以来格。时哉时哉，奋翹英于紫陌。

又，孟简《白鸟赋》：验白鸟之祥谲，告皇家之宝祚。盖由天子张至仁，本太素，享宗庙而无爽，荐孝敬而有度。何常日浴，翻皓体以来仪；曾异火流，奚丹羽之可慕。凌鸞鸞之白鸟，类振振之翔鹭。禀纯德而自甄，诚众色之难污。观其皎皎奇状，明明丽质，霜毳洁朗，玉姿闲逸。不爱其瑞，嘉载飞之可瞻；思效其祥，见莫黑之如失。宁爰企于往代，可俯窥于今日。原乎孝理通玄，格皇至虔，惟鸟感应，其容昭宣。抱正色而道洽，徒一作从反哺而名全。不然，则有威凤之可纪，何白鸟之是传。乐而有声，且不栖于楚幕；洁而成质，故自协于灵篇。出林而日华乱动，绕树而月影相鲜。向至化而远集，想皇风而戾焉。众而何为？悲子生之八九；大而无应，笑水击之三千。尔其超遥高翥，来不可遏。见归飞之荐臻，诚恺悌之四达。谅深仁之所化，固至性之难夺。若乃载鸣嗷嗷，浮彩皓皓，受西方之精气，自洪炉而鎔造。遐想其苍赤呈祥，岂与乎雪霜同缟。且夫仰稻粱而自若，彼似笼之仙鹤；待驯狎而不还，何必招于白鹄。且养素而委质，非取容而强颜。故下臣贺瑞而歌曰，素德式昭兮何

烏突，玄质从化兮为洁白。符仁孝兮叶往册，见祥瑞兮流圣泽。

赤乌

【春秋元命苞】：赤乌，阳之精也。《礼稽命征》曰：得礼之制。泽谷之中有赤乌。又曰：火流为乌。乌，孝乌。阳精。天意乌在日中，从天以昭孝也。

【尚书纬】：火者，阳也。乌有孝名。武王卒大业，故乌瑞臻。

【诗】《臣工》：于皇来牟。笈：赤乌以牟麦俱来。

【抱朴子】《青冷传》云：荧惑火精生朱鸟。《古今注》：所谓赤乌者，朱鸟也。其所居高远。

【薛综赤乌颂】：赫赫赤乌，惟日之精。朱羽丹质，希代而生。

【孝经援神契】：王者德至鸟兽，则日乌下。

【墨子】：赤乌衔珪，降周之岐社。曰命周文王伐殷。河出图，地出乘黄。天锡武王黄鸟之旗。

【吕氏春秋】：文王之时，赤乌衔丹书集于周杜，故其色尚赤。魏杨阜上疏曰，文王有赤乌之符。许芝曰：汤之王白乌为符。文王为西伯，赤乌衔丹书。

【史记】：周武王伐纣，师渡孟津。既济，有火自上复于下，至于王屋，流为乌，其色赤，其声魄云。马融曰：王屋，王所居屋。流，衍也。魄然，安定意也。《索隐》曰：按：今文《泰誓》，流为雕。雕，挚鸟也。马融曰：明武王能伐纣。《封禅书》：

周有火德，有赤乌之符。吴张紘书曰：殷汤有白鹄之祥，周武有赤乌之瑞。

【思文正义书说】：乌有孝名。武王卒父业，故乌瑞臻。赤，周之正穀，记后稷之德。《礼说》曰：武王赤乌，谷芒应。《宋志》：武王有大自天，止于王屋，流为赤乌，乌衔谷焉。《程氏遗书》：问：“鱼跃于王之舟，火复为王屋，流为乌，有之否？”“鱼与火，则不可知。若兆朕之先应则有之。”

【孙氏瑞应图】：赤乌武王时，衔谷米至屋上，兵不血刃而殷服。

【东家杂记】：子贡见端门有血书，以告孔子。孔子趋而观之，化为赤乌飞去。

【帝王世纪】：丰公家于沛之丰邑中阳里，其妻梦赤乌若龙戏，已而生执嘉，是为太公，即太上皇。

【东汉书】：汉章帝元和中，赤乌见郡国。

【续后汉书】《孙权传》：赤乌元年，武昌言麟见。有司言奏麟者，太平之应。宜改年号。诏曰：“间者赤乌集于殿前，朕所亲见。若神灵以为嘉祥者，改年宜以赤乌为元。”群臣奏曰：“昔武王伐纣，有赤乌之祥，遂有天下。圣人书策载述最详者。以为近事既嘉，亲见又明也。”于是改元。

【上元县志】：吴黄龙六年冬十二月，赤乌群集前殿，大赦，改明年为赤乌元年。赤乌十二年，两乌衔鹄坠于东观。

【吴历】：有两乌衔一鹄置神座前。或得神书，说改号之意。乃改赤乌为太元。孙休永安三年春三月，西陵言赤乌见。

【赤城续志】：葛玄访括苍洞，治坛炼丹，感动天地。炉鼎发辉，赤乌来翔。事闻于朝，吴主诏以赤乌改元，播告中外。见《纯熙观记》

【宋书】《五行志》：晋元帝永昌二年正月，赤乌见暨阳。晋明帝太宁元年，郭璞上疏，当有赤乌来集晋陵，以显至德。宋武帝永初二年二月，赤乌六见北海都昌。孝武帝大明五年六月戊子，赤乌见蜀郡，益州刺史刘思考以献。

【魏书志】：高祖太和二年二月，凉州献赤乌。肃宗熙平元年二月，赤乌见肆州秀容郡。神龟元年四月，赤乌见并州之晋阳县。

【旧唐书】《德宗纪》：贞元十一年十一月己酉，潭州献赤乌。

【续资治通鉴长编】《太宗帝纪》。至道元年四月乙巳，知通利郡钱昭序表，献部内赤乌白兔各一云。乌禀阳精，兔昭阴瑞。报火德蕃昌之兆，示金方驯服之征。念兹希世之珍，罕有同时而见，望宣付史馆。从之。上谓近臣曰：为色正如渥丹，信火德之符矣。昭序，淑之从子也。

【宋史】《五行志》：宣和元年九月戊午，蔡京等表贺赤乌。

【有官龟鉴】：朱敬则与三从昆弟居四十年，赘产无异。兄朱仁轨隐居养亲，常诲子弟曰：终身让路，不枉百步；终身让畔，不失一段。有赤乌白鹄栖所居树，按察使赵承恩表其异。及卒，魏知古等共谥为孝友先生。

【孝子传】：吴叔和，犍为人也。至孝。母没，负土成